

# КОМСОМОЛОНЬ ВАЙГЯЛЪ

ЛИСЕНЬДИ III-це КИЗОСЬ

Мокишэрзянь ВЛКСМ-нь  
обкомть и Саранскаень  
горкомть газетасна

Адресс: г. Саранск, ул. Ленина 9  
телефон № 1-72.

22

АПРЕЛЬСТА  
1936 КИЗОНЯ  
44 (290) №

Лисеньди ковти 12-кеть

## ТОПОДЬСТЬ 66 КИЗОТ В. И. ЛЕНИНТТЬ ШАЧЕМА ШИНЦТЫ

### Кирьдемс вяде Ленинтть великай знамянц

Тячи топодьсть 66 кизот Владимир Ильич Ленинтть шаchema шинцты.

Ленинтть лемоц кармай эряма вект. Тя лемсь тячи азондови сембе народтнень кяльса, сембе миронь угнетеннай ломаттнень мархта—кода победоноснай пролетарской революциянь символ, кода знамя трудяйхнень освобождениянкса тюремаса.

Иньгольдень революциятнень эзда конацка изь кепсе эсь вельксонза тяфтама великай вождьт, кодапг кепедсь пролетарской революциясь. Ленин сувай историяв кода революциянь величайшай гений, кода од эпохань, империализмань и пролетарской революциянь эпохань условияс Марксть и Энгельсть тевснон продолжательсна.

Ленин сувай историяв кода большевистской партиянь организатор и неутомимай строитель, кода мирса васеньце советской социалистической государствань создатель, кода коммунистической Интернационалонь творец.

Самай великайсь сян эзда, мезетийсь Ленинц ты минь коммунистической партиянке.

Минь партиянкось сембе историяц ащи атак лотксек тюремас кода открытай оппортунизмать, станя жа и замаскированной „кержи ширень“ фразатнень каршес. Аф миреньдамась оппортунизмать мархта—тя сембеда яркай характернай чертац ленинскый ученият и соньцень Ленинтть.

Именно,тя непримиримось оппортунизмати, улемок отличиякс Ленинтти, ащемок отличиякс сонь великай соратниконцты и продолжателенцты —Сталинтти,—макссь возможность минь партиянконди срафтомс сембе антипартийнай, большевизмати враждебнай течениятнень, разоблачиндамс Октябрьт штрейк-брехеронзон Каме невьт и Зиновьевть, конат арасьть фкя рядс провокаторхнень мархта разоблачиндамс и срафтомс контр революционный троцкистнень, „левай коммунисттнень“, „демократической централизмань“ группать, „рабочай оппозициять“, правой оппортунисттнень, право—„левацкай“ уродтнень, антисоветской зиновьевской группать и лиятнень. Оппортунизмать каршес тюремста партиясь сатозе социализмань победать минь странасонк. Ленин—пролетарской революционеронь образец.

„Штоба улемс пролетарской революциянь и пролетарской партиянь вождьт постонц эса, эряви сочетать эсь эсот теоретической вийть пролетарской движениянь практически-организационнай опытть мархта“ (СТАЛИН).

Тяфтама вождекс, кона эсь эсоза сочетандазень теориять и практиковать, ульсь Ленин.



Владимир Ильич Ленинц 3 кизоса

„Тинь иньголентт строительствань задача, и тинь сонь решендасась, аныцек тонадомок (овладев) сембе современной знаниятнень, маштомок арафтомс коммунизмать готовай, заученнай формуласта, советста, рецепта, предписанияста, программаста ся живоити, кона пуропнесы тинь непосредственной работантьень, арафтомс коммунизмать руководствакс тинь практической работантьеньди.“

Вов задачанть тинь, конань эзда теенть сявоньдема руководства образованиянь, воспитаниянь, сембе од поколениять кепедемаса тевса. Тинь должны улемс коммунистической обществань васеньце строителькс миллиотт строительхнень йоткса, кодамкс должетт улемс эрь од цюрась, эрь од стирьнясь.

Коммунизмать тя строительствати сембе рабочей и крестьянской од ломанень массатнень атак таргак тинь коммунистической общества аф тийхтыда...

Тинь должны эсьстонт воспитандамс коммунист. Од ломанень союэть задацац—пугомс эсь практической деятельности стая, штоба, тонафнемок, пуромомок, сплачиваясь, тюремок, тя од ломаттне воспитандалезь ба эсь пряснон и сембонь сятнень, кия сян эсост нияи вождь, штоба сон воспитандам коммунист. Эряви, штоба современной од ломаттнень воспитаниянь, образованиянь и учениянь сембе тевсь улемс сян эсост коммунистической моралень воспитаниякс... Улемс коммунистокс—тя значит пуропнемс и объединяндамс сембе касыкс поколениять, максемс воспитаниянь и дисциплинань кепедькс тя тюремаса. Эста тинь можете ушедомс и вятемс пес коммунистической обществань зданиять постройканц.“

(В. И. Ленин.)

Ленинтть лемоц мархта сотф марксизмать развитияса целай эпоха. Аф,стак Сталин ялгась опредеяндакшнесы ленинизмать кода империализмань и пролетарской революциянь эпохань марксизм Ленин ульсь создателькс, вдохновителькс и руководителькс од ломаттнень коммунистической движениясонды. Эсь речьсонза РКСМ-ть III-це с'ездса Ленин кадсь комсомолть работанцты полной программа.

Улемс одломанень союэти членкс,—корхтай тя речьса Ленин, значит вятемс тевть стая, штоба максемс эсь работацень, эсь вийхнень марстонь тевти. Вов тая эса ащи коммунистическый воспитаниясь

Аныцек тяфтама работаса од цюрась или стирьнясь арави коммунистокс... Коммунистической од ломанень союзс должен улемс ударнай группакс, кона всякай работаса максесы эсь лезксонц, няфнесы эсь инициативанц, эсь починанц“...

Кемокстай и касы минь социалистической родинаньке. Пяшкодьф Ленинтть важнейшай заветоц: Нэповская Россиясь арась социалистической Россиякс.

Вдохновителькс и организаторкс ня победатненьди ащи Ленинтть гениальной преемникоц—од, социалистической миронь зодчийсь—Сталин ялгась.

### Орденоноскась Пушкинась тонаць сьормадома

Зубу. Пушкинась „Знак почета“ ордентть получандамста ульсь прокс аф грамотнай и сяда меле путсь эсь инголенза задача, штоба нкорьхяня пингста тонадомс сьормас.

Пушкинась колак сась Москуста эсь Жарав велезост, эстакигя ударнайста стахановкакс ушедсь тонафнема, а школьной педагогической коллективсь тейнза прикрепил инь цебярь учительницаць Соловьева ялгать.

Пушкина ялгась апрель ковть 15 шини самс тонаць лац сьормадома и эсь кяцонза сьрмадсь кафта сьормат: фкяць Зубунь РИК-ти и омбоцетъ Куйбышевской краевой земельной управлений.

Занятия эряхть эрь шиня и Пушкина ялгась тонафнема тевть успешнайста мольфцы инголи.

С. И.

### Орденца казъф Пушкина ялгась тонафни

МАССР-нь Наркомземсь явоштсь средстват орденца казъф телятницаць Пушкина ялгать (Зубунь р-н. „Большевик“ колхозста) жуватань водяй техник-практиконь званиясь испытаниятнень максомаснонды анокламанц инкса.

Пушкина ялгать мархта занимай дакшни зоотехниксь Суровенков ялгась.

М—Т.

### Майть 24-це шистонза физкультурнай парад

МАССР-нь физкультурнай высшай советть президиумоц лифць путфкс майть 24-це шистонза йотафтомс ошень физкультурнай парад.

Ошень физкультурнай коллектив не вишкoptсь социалистической фкя-фкянь йотама парадти цебярьста анокламань инкса. Сембеда цебярь коллективне улихть казъфт.

Васеньце премиясь—краевой переходящай Якстерь знамясь и 500 цалковайхть. омбоце премиясь—300 цалксвайхть и грамота, колмоце премиясь—200 цалковайхть и грамота.

Парадса примахть участия 2000 физкультурникт (1000 ломаньда сяда лама йотай кизотъ коряс).

МТАСС.

### СПОРТСЬ

Спортивной работать эса руководствать кемокстаманц и физкультурнай организациятненьди нинге сядонга келиста физкультурнай общественность вовлечениянц инкса, МАССР-нь физкультурнай высшай советть спортивно—судейской комитетонц эса пуропневихть спортивной секция.

Спортивно-судейской комитетть путфксонц коряс организовандакшневихть: легко-отлетической, физической, ручной гранатань и плаваниянь секция.

МТАСС.



# ВЛКСМ-нь X ВСЕСОЮЗНАИ С'ЕЗДСА

Апрельть 17-це шистонза шовдавань  
заседаниясь

Сездсь ушэдозе шинь повесткаты колмоце пунктонц обсуждениянц— Од ломанень Всесоюзной Ленинской Коммунистической Союзыть программанц и уставонц утверждениянц. ВЛКСМ-нь ЦК-ть секретарец Файнберг ялгась—программать проектонц колга докладчиксь—ушэдкшнесы эсь реченц ленинской комсомолть программасонза главнайть незыблемостенц и неизменностенц колга корхтамаса:

— Могут полафневомс и полафневихть ВЛКСМ-ть работань форманза и методонза, но основной задачась, минь основной тезисоньке—коммунизмать тевонц инкса беззаветнай тюремась и тя духса од поколениять воспитандамац,—мзярдонга исть арсе стамокс, конатба савольхть полафтомс.

Минь союзонькенс сире программач улсь примаф РКСМ-ть IV-це всероссийской с'ездсонза. Мзярда докладчиксь луву башка пункт сире программать эзда, куленьде-вихть валхт: „хозяйчик“, „кустарь“, „частная собственник“—стама валхт, конат йотазь эсь пиньгон.

Сире программась арась сиредьф, полнайста пашкодьф задачань переченькс.

— Минь кунаракиге-ни аф эрятама сире программать коряс,—корхтай Файнберг ялгась.—Эряфсь ламода тусь инголи тя программать эзда.

Докладчиксь лоткс ВЛКСМ-ть программанц Одломанень Коммунистической Интернациональ лия секциязон программасон эзда отличиянц лангс. Капиталистической странатненс эса комсомолть программац основноста няфнесы (излагает) капиталть каршес, ломанть ломаньча эксплуатировандаманц коршес тюреманы тактикац, пролетариатть диктатуранц инкса тюремать тактиканц. ВЛКСМ-ть программац лисеньди минь странасонк социализмать полнай победанц эзда.

ВЛКСМ-ть программац конкретизировандасы союзть главнай задачанц—од ломатьтненс и идьтненс Ленинонь—Сталинонь ученияснот коряс воспитанияснот, советской властть перьф од ломатьтненс организандамаснот, синь социалистической патриотизмань, социалистической отечествать кемокстамань и арелямань духса воспитандамаснот.

Файнберг ялгась азондкшнесы, што комсомолсь пуроптф партиять мархта, кода од ломанень массовай аф партийнай организация, конац примыкандакшни ВКП(б)-ти и конац кирьди эсь инголенза задача лездомс партияти од ломатьтненс и идьтненс коммунизмань духса воспитандама тевса. Тянь эзда лисеньдихть ВЛКСМ-ть, кода ВКП(б)-ть помощниконц и сонь резерванц, задачанза.

Пяк оцю мяль мархта с'ездсь кулхондкшнесы Файнберг ялгать реченц, мзярда сон корхтай программать проектсонза Сталин ялгать поправканзон колга—сят поправкатыненс колга, конат лездсть комсомолть ЦК-нцты лувомс союзть работасонза сембе одть.

Докладчиксь лятфнесыне Ленинонь и Сталинонь высказыванияснот, конат, определяндакшнесазь од ломанень союзть роленц и задачанзон.

— Минь программачке,—корхтай Файнберг ялгась,—тя Ленинонь речец РКСМ-ть III-це с'ездсонза, Сталин ялгать реченца V-це всесоюзной конференцияса и VIII-це с'ездса, 1925 кизоня „Комсомольской правда“ редакциять мархта максф

кизефксненс каршес ответне, колхозниконь-ударниконь с'ездса выступлениятненс, ВЛКСМ-ть 15-це кизонзон пиньгста комсомолти привествиятненс, Косарев ялгать и ЦК-нь лия руководящай работникненс мархта комсомолть работанц перестройканц колга беседаса указаниятненс и, мекпальцекс, программать и уставть проектсонды Сталин ялгать поправканза. Вов мезсь макссесы ленинской комсомолть деятельностиненс настоящей программанц.

Сяда тов Файнберг ялгась конкретизировандай задачатненс эса, конат ашихть ВЛКСМ-ть од программасонза.

Файнберг ялгать кафта частонь пиньгста корхтаф содержательнай докладонц с'ездсь кулхондозе оцю мяль и интерес мархта.

ВЛКСМ-ть уставонц проектонц колга доклад тиеньди ВЛКСМ-нь ЦК-гь сакретаец Вершков ялгась.

— Од уставть проектоц,—корхтай сон,—конанц макссесы (предлагает) тя с'ездти ВЛКСМ-ть Центральной Комитетонц, ламода отличнакшневися уставть эзда, конац примаф IX-це с'ездса. И тя пях шарьхкодеви, Ленинской комсомолсь йотазе (перерос) сире уставть.

Подробнайста лотксемок од уставть проектонц основной моментонзон лангс, докладчиксь характеристизовандакшнесыне нят изменениятненс. Сире уставса главнай требованиякс ащесь странать социалистической реконструкциясонза участвовандамась, сонь индустриализациянц инкса тюремась, делень хозяйствать социалистической реконструкциясонза активнай участиясь, сплошной коллективизациянц базать вельде (лангса) кулачествать кода классонь машфтомаса партияти всемернай лездомась. 1931 кизот ушэдомок, мзярда молись IX-це с'ездсь, тя улсь абсолютна правльнайкс. Но тяни тя йотаф этапсь. Од задачат ашихть комсомолть инголе—наукать, культуать тонадомасна, упорнайста тонафнемась, марксизмать ленинизмать настойчивайста тонафнемасна. Комсомолсь тяни серьгядьф (призван) арамс советской од ломатьтненс тонафнемаснот образованияснот, коммунистической воспитанияснот организаторкс.

Лотксемок проектть основной пунктонзон лангс, Вершков ялгась корхтай сянь колга, конашкава оцю лезкс макссь Сталин ялгась Ленинской комсомолть уставонц тиёмаса

Первичнай организациясь—ленинской комсомолть основац. Сонь вельденза комсомолсь сотф од ломанень миллионнай массатыненс мархта. IX-це и X-це с'ездтненс йоткса пиньгть йотамс первичнай организациянц сетьсь пях кассь. Тяниень пиньгть лувондовихть 201.704 первичнай организацияц. Синь работасна мекпальценс пиньгть эзда сяда цебарьгодсь. Но сембе сяка первичнай организациянц ламоц комитеттне аф работайхть станя, кода ба тейнек эряволь. Гевсь аши сянь эса, што синь сидеста копировандакшнесазь вышестоящай организациятненс работаснот.

— Од уставсь,—заклучениясь корхтай докладчиксь,—ленинской комсомолть сембе внутрисоюзнай эряфонц незыблемай основац.

Вершков ялгать докладонц мархта аделсевич апрельть 17-це шистонза шовдавань заседаниясь.

ВЛКСМ-нь 10-це СЕМБЕСОЮЗНАИ С'ЕЗДТЬ  
ПРИВЕТСТИВИЯНЗА

## Коммунистической Интернациональ Исполкомонц генеральной секретаренцты ДИМИТРОВ ялгати Кельгема Димитров ялгась!

Ленинской комсомолть X-це с'ездонц кучси Теентть, мужественнай и непреклоннай пролетарской боецти, эсь боевой комсомольской паравалонц!

Лейпцигской судть гнуснай шинзон эзда тинь олицетворяндакшневиде сембе мирть инголе подлиннай большевиконь образ, конац сембе виензон маштомс преданнай Марксонь—Энгельсонь—Ленинонь—Сталинонь непобедимай знамяснотды.

Тинь призывонте Коминтернань всемирнай VII-це конгресса фашизмать и войнать каршес мирть и социализмать иякса тюремь международнай пролетариатть и народнай массатненс вийсон сплоченияснот колга мушенды (находит) широчайшай отклик капиталистической странатненс эса трудяихненс йоткса.

Од ломатьтненс коммунистической союзсна, йотафнемок эряфс Тинь указаниянтненс, конат максфт КИМ-нь всемирнай VI-це конгресса келепнихть тюремь од ломатьтненс сембе вийсон пуроптомаснот инкса, революционной основаса подлинно массовой юношеской организации созданиять инкса.

Уледа увереннайхть сяньди, што ленинской комсомолсь, кода КИМ-ть передовой отрядонц, честь мархта пашкодьсыне эсь обязанностензон СССР-нь од ломатьтненс коммунистической воспитанияснот колга.

Шумбра улеса Коминтернась,—мировой пролетарской революциять штабонц!

Шумбра улеса Коминтернась славнай рулевоец Димитров ялгась! Шумбра улеса международнай пролетариатть мудрай вождец и учитель Сталин ялгась!

## Германской коммунистической партиять вождонцты, бесстрашнай и неутомимай революционерти, германской народть инь цебарь представителенцты Эрнст Тельмантти Кельгема Тельман ялга!

Тинь 50 кизонь шистонц од ломанень Ленинской коммунистической союзть X-це Сембесюзнай с'ездонц кучси Теенть сидиваксонь паравал.

Сембе душанеконь эзда арьсетяма Теентть лама вий и бодрость рабочей классь врагонзон каршес тюремаса.

Тинь лемонтте, кельгема Тельман ялга, содаф минь странастанок эрь одломантьти. Тинь арьсетяда миндей-

нек мужествань, бесстрашиань, самоотверженностень и мировой пролетарской революциянц тевти преданностень образеокс.

Тинь пламенной революционной духонтте воодушевляндакшнесыне сембе миронь народнай массатненс фашизмать каршес тюремь.

Шумбра улеса Коммунистической Интернациональ славнай и непоколебимай боецон Эрнст Тельман ялгась!

## КОМСОМОЛЕЦНЕ И МТС-нь, КОЛХОЗОНЬ АКТИВСЬ ЛУВОНЦАЗЬ И ТОНАФНЕСАЗЬ КОСАРЕВ ЯЛГАТЬ ДОКЛАДОНЦ

### Лувонцазь Косарев ялгать докладонц

Шайгова. Лама комсомольской организацияц ушэдсть лувондома Косарев ялгать докладонц.

Райкомонь, МТС-нь и Н. Тройцкай школань первичнай организациятне лувондозь Косарев ялгать докладонц и тяни ушэдсть келиста лувондома аф союзнай од ломатьтненс йоткса.

Докладть лувондомста пуромкшнесть лама аф союзнай од ломаньда.

### Колхозонь организацияв кучфт районнай активсь

Лямбирь Комсомолонь райкомсь районнай комсомолонь активть мархта йотафць совещание, кося кочксейф Косарев ялгать докладонц.

Районнай активть эзда 15 ломань кучф колхознай организацияв, конат мармайхть лездомь Косарев ялгать докладонц кочксеманцты.

### Совещание, комсоркненс и комитетонь секретарьхненс мархта

Саранск. Комсомолечне и од ломатьтне оцю мяль мархта васьфтезь Косарев ялгать докладонц. Фабрикатненс, школатненс колхозненс эса комсомолечне и од ломатьтне лувонцазь Косарев ялгать докладонц.

Комсомолонь горкомсь комсорктненс и комитетонь секретарьхненс мархта йотафць совещание, кося улсь кочсеф Косарев ялгать докладонц. Тяка пингова комсоркненсди и комитетонь секретарьхненсди максфт установкат; кода сяда цебарьста ладямс комсомолечненсди аф союзнай од ломатьтненс йоткса Косарев ялгать докладонц изучениянц.

Бюронь сембе четене и комсомолонь активсь кемокставсть предприятиява и учреждениява докладть кочксема.

Отв. редакторсь С. С. ЛАРИОНОВ

Уполномоченный главлито № 616. Заказ № 1515. Тираж 3175.

Саранск типография „Красный Октябрь“ Мордгиза